

SCRIPT OF EVENING GOJRI NEWS BULLETIN 15MAR 2025

1700HRS

اوننگ گوجری نیوز بولینٹن 15 مارچ 2025

یوہ آکاشوانی جموں بے نصرت تے تارق ابرار تیں خبر سُنو۔

HEADLINES

۱۔ سرکار نے کہیو جے تخصص بارے تشکیل دتی گئی کابینہ سب کمیٹی واسطے کائے مدت طے نہیں کی گئی گزشتہ ۲ بران غے دوران ایس سی ایس ٹی زمرہ غے تہت جموں مانہ ۵ لکھ ۶۲ ہزار تیں متہ تے کشمیر مانہ ۹۷ ہزار سند جاری کیا ہیں۔

۲۔ وزیر صحت سکینہ اتو نے کہیو جے نوو تعلیمی پالیسی ۲۰۲۰ تمام کالجاں مانہ لاگو کردتی گئی ہے تے تمام کالجاں مانہ ملازمت تے بُنر گا فروغ کی صلاحیت آلا کورسز طالب علماں نانہ پڑھایا جارہیا ہیں۔

۳۔ وزیر صحت سکینہ اتو نے کہیو جے سرکار صحت سہولیات مانہ بہتری واسطے کم کر رہی ہے۔

۴۔ ا ج جموں کشمیر مانہ چنار تہاڑو مانیو گیو وزیر جنگلات جاوید رانا نے سول سیکٹریٹ مانہ چنار گا پودا گی شجرکاری کی تے چنار گا درکتان کی ثعافتی تے ماحولیاتی اہمیت ناں اُجاگر کیو۔

۵۔ جموں خطہ گا بالائی علاقہ مانہ تازہ برف باری ہونی ہے جموں سرینگر قومی شاہراہ ا ج آمدرفت واسطے کھلی رہی جدکہ ضلع رام بن مانہ سکول بند رہیا۔

CSC RESERVATION RULES

حکومت نے ا ج انکشاف کیو کہ کابینہ غی سب کمیٹی جھیڑی ریزرویشن قوانین غو جائیزو لے رہی ہے اُن واسطے کوئی مقررہ وقت نی طے کیو گیو آکاشوانی جموں گا نمائندہ غی رپوٹ غے مطابق پیپل کانفرنس غا رُکن اسمبلی سجاد گئی لون غا سوال غا تحریری جواب مانہ سماجی بہبود غی وزیر سکینہ اتو نے ایوان نانہ آگاہ کی و کہ رپوٹ پیش کرن واسطے کوئی مخصوص مدت طے نی کی گئی لون نے پچھو کہ کیا وزارتی پینل نانہ رپوٹ جمع کرن واسطے ۶ ماہ غی مدت دتی گئی ہے وزیر نے دسیو کہ ۱ اپریل ۲۰۲۲ تیں بُن توڑی جموں علاقہ مانہ شڈیول کاسٹ تے شڈیول ٹرائیب زمرہ غے تحت ۵ لکھ ۶۲ ہزار تے ۵۰۶ سرٹفکیٹ جاری کیا جا چکا ہیں جدکہ اسے مدت مانہ کشمیر علاقہ مانہ ۹۷ ہزار ۳۱۸ سرٹفکیٹ جاری کیا گیا ہیں۔

ITOO NEP

صحت طبی تعلیم تے سماجی بہبود غی وزیر سکینہ اتو نے قانون ساز اسمبلی ناں جانکاری دتی جے محکمہ اعلیٰ تعلیم نے نویں تعلیمی پالیسی ۲۰۲۰ مرکزی زیر انتظام علاقہ جموں کشمیر گا تمام ڈگری کالجاں مانہ پہلاں تیں ہی لاگو کردتی گئی ہے۔ آکاشوانی جموں گا نمائندہ غی رپوٹ غے مطابق وزیر موصوفہ ایوان مانہ جاوید ریاض غی طرفوں پچھیا گیا سوال گو جواب اسمبلی مانہ دے رہی تھیں وزیر موصوفہ نے ایوان نانہ دسیو کہ جموں کشمیر گا کالجاں مانہ روز گار تے بُنر بارے کورسز طالب علماں تے عملی تعلیم سکھائی جاسکے۔ انہاں نے یوہ بھی کہیو جے بزنس منجیمنٹ کورسز بھی بہت سارا کالجاں مانہ چلایا جارہیا

ہیں لیکن مصنوعی زہانت ایک علیحدہ پروگرام ہے جہیڑو اجاں توڑی متعارف نہیں کرایو گیو کیونجے یوہ نووے ہے تے اس مانہ کئی نوی چیز شامل ہو رہی ہیں۔ وزیر موصوفہ نے کہیو جے مصنوعی زہانت کمپیوٹر اپلیکیشن گا نصاب غے تحت بڑھانی جائے گی۔

SAKEENA HEALTH CARE

صحت تے طبی تعلیم غی وزیر سکینہ اتو نے اج قانون ساز اسمبلی اننہ دسیو کہ حکومت نے بنیادی ڈھانچہ غی تعمیر غے بجائے پلاں تیں موجود تقریباً ۴ ہزار صحت عامہ غا اداراں جسران کہ بنیادی درمیانی تے اعلیٰ سطحہ نانہہ مزید مستحکم تے بہتر بنان ور کم کر رہی ہے۔ آکاشوانی جموں گا نمائیندہ غی رپوٹ غے مطابق وزیر موصوفہ نے یاه گل مشتوق احمد گرو غا سوال غا جواب مانہہ کہی۔ انہاں نے دسیو کہ جموں کشمیر ملک غی بڑی ریاستاں تے مرکزی زیر انتظام علاقہ مانہہ صحت عامہ غا اداراں غی کثافت غا لحاظ تیں سر فہرست ہے انہاں نے مزید کہیو کہ یوہ اعدادو شمار وزارت صحت و خاندانی بہبود بھارتی حکومت غی ۲۰۲۲ مانہہ سائع کردہ رپوٹ غے مطابق ہے۔

HM MEDICAL OFFICERS

صحت تے طبی تعلیم غی وزیر سکینہ اتو نے اج ایوان نانہہ دسیو کہ حکومت ہر ممکن کوشش کر رہی ہے کہ جموں کشمیر غا تمام علاقاں مانہہ صحت عامہ غی خدمات فراہم کی جاسکیں آکاشوانی جموں گا نمائیندہ غے مطابق وزیر موصوفہ نے یاه گل میر محمد فیاض غا سوال غا جواب مانہہ کہی انہاں نے مزید کہیو کہ حال ہی مانہہ ۳ سو ۵۶ طبی افسراں غی تقریری اسی گل غو ثبوت ہے جنہاں نانہہ دور دراز تے پسماندہ علاقہ مانہہ تعینات کیو گیو ہے جت ڈاکٹراں کی کمی تھی۔ وزیر موصوفہ نے کہیو کہ محکمہ صحت تے طبی تعلیم ڈاکٹراں غی عارضی تقریری نانہہ فروغ نہیں دیتو بلکہ ہر ممکن کوشش کر رہیو ہے کہ جموں کشمیر غا تمام علاقاں خصوصاً دور دراز تے پسماندہ خطا ح مانہہ صحت عامہ غی خدمات فراہم کی جاسکیں۔

POONCH INSPECTION

تحصیل دار پونچھ اظہر منہاس نے پلاسٹک آلودگی قواعد کی خلاف ورزی کرن و لاں دیکانداراں غے خلاف کاروانی عمل مانہہ لیان غا سلسلہ مانہہ پونچھ گا بکھ بکھ بازاراں گو معائینو کیو اس دورہ غے دوران تحصیلدار نے کئی دیکانداراں نانہہ نہ گلن آلی پلاسٹک رکھن ور جرمانو وی کیو یوہ دورو ماحولیاتی قوابین کی عمل آوری تے علاقہ مانہہ پلاسٹک گا استعمال نانہہ کہٹ کرن کی کوششاں کی کری گو اک حصو تھو۔ تحصیلدار اظہر منہاس نے دیکانداراں ور زور دتو جے وے نان بانپو ڈگری ڈیبل ایکٹ کی اہمیت اننہ سمجھیں ذرائع ابلاغ سنگ گل کرتا وان تحصیل دار اظہر منہاس نے اس طرح کہیو۔

CHINAR DAY

چنار غا تاریخی تے ثقافتی ورثہ نانہہ محفوظ رکھن غا مقصد تیں محکمہ جنگلات نے اج سیول سیکٹریٹ جموں مانہہ چنار غی شجر کاری مہم گو آگاز کیو آکاشوانی جموں گا نمائیندہ غی رپوٹ غے مطابق وزیر برائے جنگلات تے ماحولیات جاوید احمد رانا تے چیف سیکرٹری اٹل ڈلو نے اس موقع ور چنار غا پودا لایا۔ وزیر نے اس موقع ور خطاب کرتا وان کہیو کہ چنار ایک تاریخی درخت ہے بلکہ ایک ثقافتی شناخت تے ورثہ غی علامت وی ہے۔ چیف

سیکرٹری نے محکمہ جنگلات غی اس پہل غی تعریف کی جس غے تحت جموں کشمیر مانہہ ۸۲ ہزار ۵ سو ۰۶ چنار غا درختاں کی نشاندہی کی گئی تے ہر درخت نانہہ کیو آر کوڈ غے نال جیو ٹیگ کیو کیو جس مانہہ ۵۲ مختلف خصوصیات شامل ہیں۔

PM MKB

وزیر اعظم نریندر مودی ۰۳ مارچ نانہہ آکاشوانی ور من غی بات پروگرام غے زریعے ملک تے بیرون ملک مانہہ رہ رہیا لوکاں غے نال اپنا خیالات سانجہ کریں غا۔ یا ماہ وار ریڈیو پروگرام غی ۰۲۱ ویں قسط وے غی لوک اپنا خیالات تے مشورو اس پروگرام واسطے جمع کراسکیں اس واسطے ٹول فری نمبر 7800111800 ور کال کراسکیں یا نریندر مودی ایپ تے مائی گوو اوپن فورم غے زریعے اپنی رائے دے سکیں۔ اگلا پروگرام غی قسط واسطے تم اپنی رائے ۸۲ مارچ توڑی دے سکیں۔ یوہ پروگرام آکاشوانی تے دور درشن غا پورا نیٹ ورک ور نشر کیو جے غونال ہی اے آئی آر نیوز تے نیوز آن اے آئی آر موبائل ایپ ور وی دستیاب وے گو۔یوٹیوب ور اے آئی آر نیوز ڈی ڈی نیوز وزیر اعظم غ ادفتر تے وزارت اطلاعات ونشريات غا چینل ور براہ راست نشر کیو جے غوبندی نشریات تیں فوراً بعد آکاشوانی اس پروگرام نانہہ علاقائی زبانان مانہہ وی نشر کرے غو۔

UDH KABADDI

ڈی آئی جی ودھمپور ریاسی رینج محمد رئیس بٹ نے اج انڈور سپورٹس سٹیدیم ادھمپور مانہہ لڑکیاں تے لڑکاں کی ترے تہاڑاں کی جونیر سب جونیر کبڈی یو ٹی چیمپین سب گو اہتمام ضلع کبڈی ایسوسی ایشن ادھمپور نے جے اینڈ کے امیٹرو کنڈی ایسوسی ایشن گا بینر تے کیو بے تقریب گو وگاڑ قومی ترانہ تے ثقافتی شو سنگ ہوو۔ اس چیمپین شب مانہہ جموں کشمیر بھر غا بکھ بکھ سرکاری تے غیر سرکاری اداراں کی ۵۳ تیں متی ٹیم اپنا مقابلان مانہہ حصول لیں گی۔ اس موقعہ ور ڈی آئی جی ادھمپور ریاسی رینج محمد رئیس بٹ نے اس طرح کہیو۔

WEATHER NHW

رام بن دوڈھ کشتواڑ راجوری تے پونچھ ضلعان گا جواہرٹنل تاپ مہونگت وادی تے پیر پنجال گا پہاڑاں سمیت بالائی علاقان مانہہ تازہ برف باری ہونی بے آکاشوانی جموں گا نمایندہ نے رپوٹ دتی ہے جے رام بن بانہال سیکٹر گا میدانی علاقان مانہہ شدید بارش ہوئی ہے جد کہ جموں سرینگر قومی شاہراہ ور اج دواں پاسے تیں گڈیاں کی آمدرفت کھلی رہی ٹریفک پولیس نے کہیو ہے جے مسافر گڈیاں نانہہ قومی شاہراہ گے دواں پاساں تیں جان کی اجازت دتی گئی جدکہ بھاری مال آلی گڈیاں نانہہ صرف سرینگر تیں جموں آلیے پاسے آن غی اجازت دتی گئی۔ ٹریفک پولیس نے مسافراں ناں ہدایت کی ہے جے وے قومی شاہراہ ور دن غے وقت ہی سفر کریں تے رام بن تے بانہال گے بشکار پسیاں گا خطرہ گے پیش نظر غیر ضروری رکن تیں گریز کریں سرینگر سونامرگ گمری روڈ بھدواہ چمبا روڈ مغل روڈ تے سنتھن روڈ ناں اج آمدرفت واسطے بند رکھیو گیو۔ بالائی علاقان مانہہ برف باری تے میدانی علاقان مانہہ بارش گے پیش نظر حکام نے اج ضلع رام بن گا تمام سرکاری تے نجی تعلیمی اداراں نانہہ بند رکھن گو بھی حکم جاری کیو تھو۔ موسمی صورتحال بارے گل کرتا ایس ایس پی ٹریفک رام بن قومی شاہراہ روہت بسکوترہ نے اس طرح کہیو۔ محکمہ موسمیات نے کہیو ہے جے جموں کشمیر مانہہ اگلا ۴۲ گھنٹان غے درمیان ہلکی تے درمیانہ درجہ غی بارش تے کجھ علاقان

مانہہ برف باری گو امکان ہے۔پیشن گوئی غے مطابق بوندا باندی اج تے کل جاری رہ گی
جدکہ ۷۱ مارچ نانہہ مکمل طور ور موسم مانہہ بہتری گی توقع ہے۔

REASI ADVISORY

ضلع انتظامیہ ریاسی نے عوامی ہدایت جاری کی ہے جس مانہہ لوکاں نانہہ سخت احتتـصـیـاط
برتن تے پانی غا ذکائیر کولے جان تیں گریز کرن غی ہدایت کیہت کیونجے علاقہ مانہہ گزشتہ
۴۲ گھنٹاں تیں مسلسل بارش پہ رہی ہے،انتظامیہ نے خاص طور ور کان کنی تے اس تیں
متعلقہ کام کرن آلاں افراد نانہہ ہدایت کی ہے جے وہ اپنو کم عارضی طور ور معطل کردیں،
کیونجے پانی غی سطح مانہہ اضافو اچانک سیلان تے مٹی کھسکن غو خطرو ہے۔ حکام نے
ہنگامی مدد غی ٹیم متحرک کی ہے تانجے صورتحال ور نظر رکھی جاسکے۔کسی وی
ناخوشگوار واقع ور فوری کارروائی کی جاسکے۔عوام تیں گزارش ہے کسی وی ہنگامی
صورتحال غی اطلاع مقامی حکام نانہہ دیں تے صرف سرکاری تازہ معلومات ور پروسو کریں۔
